

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

集部  
第二四〇冊

責任編輯：孫言誠 賀 偉

ISBN 7-5333-0615-5



EB44/03

## 四庫全書存目叢書·集部二四〇

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 52.625 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

# 集部第二四〇冊目次

## 集部·別集類

讀書堂綵衣全集四十六卷(二)

〔清〕趙士麟撰  
北京大學圖書館藏清康熙三十五年刻本

一

珂雪集一卷珂雪二集一卷珂雪詞二卷補遺一卷朝天集一卷鴻爪集一卷黃山

紀遊詩一卷

〔清〕曹貞吉撰

中山大學圖書館復旦大學圖書館藏清康熙刻本

三六三

九谷集六卷

〔清〕方殿元撰  
清華大學圖書館藏清康熙刻本

四九一

戒山文存不分卷詩存二卷熙朝聖德詩一卷河工見聞錄一卷

〔清〕邵遠平撰

南開大學圖書館藏清康熙刻本

六四八

讀書堂綵衣全集四十六卷

(二)

〔清〕趙士麟撰

北京大學圖書館藏清康熙三十五年

刻本

附《四庫全書總目·讀書堂集

四十六卷》提要

讀書堂綵衣全集

河陽趙士麟玉峰父著

程兆彪訂  
受業薛晉輯  
男宸黼編

卷十七

傳文 十一首

讀書堂

文集

卷十七

傳

馮少司寇再來公傳

按馮氏系自宋觀察公諱安國始居臨海湧泉鄉其後支屬繁衍歷傳至運使公學易公父繼祖贈通議大夫皆早世祖母陳母戴並以節受旌公諱魁字再來號蒿菴生有異質目重瞳子六歲祖母口授書悉通曉十三學使者擢第一補博士弟子讀書小寒山窮晝夜不輟順治丁酉舉於鄉戊戌成進士辛丑除永昌府推官公歎曰永昌踰播二千里能奉母而去乎欲以終養告母怫然曰我健當偕往遂盡室抵永昌永昌被兵燹歲存饑民旬

讀書堂

文集

卷十七

傳

二

旬欲爲變公力請上官發騰越餉轉散給時子女沒島嶼者募金贖還之亂始定一日奉憲行令于所屬丈田增賦公極言蠻獠初定若額外加賦恐拋荒激變事乃寢蠻人悅服公性嚴明人不敢干以私丁未以最陞激江守激近省會藩下放馬擾民且購豆麥破民產公慨然曰吏牧民者也苟活民焉避譴乃陰囑里甲忤藩弁而自詣省言曰民不堪命吏不能生虐願聽効藩雖憤甚而實忌憚公誠勿犯公境督撫交相倚重調公守楚雄兼攝大理雲南諸郡及臨沅道按察司諸篆公益奮勵

朝廷間道疏聞席藁待罪蒙

讀書堂

文集

卷十七

傳

三

抑強藩最悍兵察奸雪枉遠近稱神其署臬憲也景東府三命被殺有司捕賊不獲公窮究根柢得賊贈妓包金紙爲蒙化王奇書拘奇質問乃知藩固山陳理也固山勢重公乘間縛理竟置重辟癸丑逆藩謀寢露公慮有變急遣子永年奉母氏歸亡何難作逆黨執公並追家口還滇母恚恨疾篤呼公曰兒能不屈足慰吾心目乃瞑公殯殮畢勺水不入口逆防守愈密不得死公友人竊言曰今粵藩與逆通顧勢不相下數往復此可乘而圖也盍假以自脫乎公聽之給逆曰願質妻子往使粵遂得偕安達公與督撫合謀以粵歸

溫旨馮魁感戴國恩協謀歸正忠悃深爲可嘉著從優議敘時親王九卿會議以知府推陞廣東布政復蒙

特旨馮魁克盡忠貞著超陞廣東巡撫時伏飛驒發露

午境內貲算不給公悉心運籌俾糧糗芻蕘皆得按期分撥以資飽騰尤慎防守廣間謀死事者卹其家疑貳者立斥遣不數月疏數十上皆封疆大計全粵藉以底定詳具粵東奏議中戊午授刑部

右侍郎

召見極慰勞任事法尚寬平務權衡於情理之至當間有不合輒侃侃直言如議竊盜之宜分重輕也而邀敘喜賞之風息議滿字之行提宜慎也而賄買索詐之弊消議重犯口供之必錄本音也情詞不至或異而失出入之患弭奏凡十數進

上皆嘉納隨命諸大臣清理刑獄詳訂律例皆公有以啟之凡各案有誣陷者必窮根及株并劾問官爲剖雪

上稔知其才能尋進左侍郎加二級侍

讀書堂文集卷十七

四

經筵充讀卷官予恩賚有加越二年大兵將入滇上召公問進兵運餉之宜公指畫山川情形水陸便利之法舉無遺策喜動

天顏公因得乞查母櫬

上嘉歎特勅查發公復疏請歸葬得

俞旨會母櫬於蕪湖遂以是年與贈通議公合葬於石門之故壤公所著有粵東奏議滇攷見聞隨筆刳灰錄南中集知還堂稿諸刻行世外修滇省志台郡志公生卒配葬及子若孫官配俱載行述中此不贅

論曰儒者攻先王之術而起家所貴濟當世之務

以批窾抒忠除邪歸正存其身以有用成其功而不居此其識與量未可以與尋常較也若夫守一官死一節如膠舟不渡木驢不駕烈矣國家奚賴焉夫庶事之未集集之在才紛難之未理理之在智至於潛移默運合道反經則屬之老成之遠圖國士之極慮非沾沾之士所可窺也故求才者智者百人而一大才大智千人而一欲求國士之與老成人則萬人而一何者其器益大其獲益寡也再來公生平孝德及在司李讞獄釋冤守吾激移

讀書堂文集卷十七

五

楚威署列篆清風勁節抗逆藩敷德化晉少司寇明刑弼教此皆居職之常吾不具論獨值吳逆披猖身陷滇南彼時欲圖一死以塞責焉何難之與有况太母及夫人皆離滇而拘回明義理曉大節願捐生以從哉公雖被執受羈不獲死彼其視逆如腐鼠夫馬恒獸也橫則蹄齧牛牧畜也忽焉抵觸牛馬可與言義哉

天威震疊則金底遊魂耳竟聽友謀紿逆之粵旣抵粵卽導粵逆絕叛歸

朝然後藁身待罪

上嘉其忠

優旨慰勞卒也脫虎狼之口鳴玉珮躡金閭揖讓

人主之前抗跡百寮之上鑠哉盛矣夫美玉弗剖孰知

其良芳桂弗伐孰聞其香賢人不際險難受羈曳

其孤忠末之見也故凡希世之功必有希世之議

有希世之議必來淺夫之誦誦久而益銷功久而

益著暫不勝久則誦不掩功然後知再來公當日

之不僅以一死了事者之爲慮深而識遠也故騏

驥不與罷驢共步而別其趨則其良見矣豈竊不

與蕭艾同臭而察其後則其芳遠矣治不賢不彰

讀書堂

文集

卷十七

傳

六

士不表不異此傳之所由作也

贊曰忠孝大節民秉天常忠有二義合道同方慷慨固烈從容亦臧逆藩倡亂於彼南荒羈莫獲死

密圖助勦精衛填海於鳥奚望其力則微其心則

良質以百口脫身粵疆遂導粵逆共戴

天王王赫斯怒殺伐用張維熊維熊我武維揚三方底

定刑正叛亡嗟嗟子卿歸來何昂

帝嘉其忠遂晉侍郎始雖委蛇王蠋比量繼則鳴珮常

山偕光親迎母櫬合葬泉鄉政績有譜歌頌難忘

詞壇稱雄子弗磨賜克忠克孝公之肝腸經權互

濟史冊煌煌

讀書堂

文集

卷十七

傳

七

巡撫廣西雪海郝大中丞公傳

公諱浴字雪海號復陽取大易尊陽義也先世山右洪洞人始祖成甫公移中山遂爲定州郝氏云十一世至恒瞻公順治辛卯恩貢考授別駕不仕積學力行世有令德曾祖父俱以公貴

誥贈光祿大夫崇祀鄉賢妣俱一品太夫人恒瞻公生

子二長卽公次內閣中翰莊臨君也公生而穎悟負異材年十三卽以希聖希賢爲務丙戌領鄉薦己丑成進士觀政工部卽上書指陳利弊次年授刑部主政辛卯

讀書堂文集卷十七

八

世祖章皇帝親政甄別臺班以公才改授侍御史旋巡按

四川時流寇劉文秀等盤踞滇黔東西南三川悉爲草竊存川北一區屢遭屠戮一望丘墟公招徠綏輯民生未遂而武弁董顯忠等以投誠

題授司道目不識丁百姓苦之公疏請改還原職仍

以副將用民困蘇壬辰吳三桂統兵進川南屯劉軍無紀律多逃劫掠公具有逃兵劫殺疏三桂銜之後兵敗三桂棄川北不顧退漢中時補行鄉試士子倉皇思竄公密檄總兵嚴自明等守城兼請大兵由兩路劄保寧激發忠義背城力戰遂奏捷

三桂握重兵封王爵中外莫敢忤公獨毅然不少屈爲密疏言其跋扈狀三桂恨無從泄乃陰令董顯忠入都摘前目不識丁之疏具呈展辨賄通胥吏謂識字參虛降一級調用川民寃之爲立祠三桂復慮公用乃撫拾前疏指爲冒功必欲置之死地

先帝察其忠從寬流盛京僦居奉天益潛心聖學灑然自得時同從者贈以詩有祇愁深夜裏凍殺蠹書蟲

之句結書屋額曰致知格物之堂述懷詩曰天心祇許歸龍塞消受周公孔子書父恒瞻公卒于定

讀書堂文集卷十七

九

訃音至慟幾絕請假西歸祭葬如禮越二年太母張又卒請假祭葬如父辛亥

今上幸奉天調

陵公具陳蜀中始末

溫綸慰勉下部格於議癸丑冬吳逆叛

朝野皆服公早見甲寅刑科給事中棠溪劉君蜀人也題薦謂功在蜀疆至今尸祝宜及時進用又

上諭三品以上官保舉人才大司寇蔚州魏公時任京兆力薦謂學守才識骨鯁血性尤爲過人且三桂之仇正爲

國家今日云云時大司馬今內閣宛平王公亦薦蔚

州少司馬再薦奉

特旨郝浴著免罪取回錄用計受謫至今二十二年仍

補湖廣道御史首言

聖學聖心為戡亂大本兼請召對滿漢閣部諸臣確商

大政某利其弊某緩某急又言民生困苦亟宜下

詔軫恤以培元氣因條列休養百姓四事時平京

鎮臣王輔臣受吳逆偽劄全秦騷動公疏設防進

勦皆切中機宜

上可之下其疏于諸鎮尋改掌陝西道事疏籌餉勿過

讀書堂文集卷十七

傳

十

急宜飭吏治吳逆必破勿以討賊故致病民今武

臣縱部兵而戍民命有司藉供億以傾民家又督

撫提鎮坐名題補半屬行私非盡從地方人才起

見急宜停止章數十上皆通達國體侃侃無所隱

丁巳

命巡視兩淮鹽課隨條鹽政五疏咸下議施行陋規盡

革諸弊肅清差竣例更奉

旨郝浴巡鹽稱職再留差一年從來未有殊恩也公懼

覆餗懇辭復奉有才品素優特簡留差一年已有

成命不必控辭之

旨尋以增課議敘兼太僕寺少卿淮揚大饑捐賑施粥

賴以存活者數百萬歲復旱設閘引潮諸場無阻

羨金歸帑一無所私增課六十餘萬五奉實心任

事深為可嘉之

旨僉憲缺奉

旨陞補多所建白皆奉

俞旨允行時粵撫竹君傳公入滇遇害貴陽

上以粵西新復為滇黔楚閩襟喉必資才望重臣彈壓

簡公往哀鴻未集百困待蘇公除雜派加耗且調劑四

事謂虛糜之馬宜汰添設之兵宜裁要害之設防

讀書堂文集卷十七

傳

上

宜預撫提之精銳宜簡

上嘉之悉聽該撫酌量區處自是屹然大定民有起色

公處雪塞二十年又遠歷炎荒夙疾間作日漸加

劇癸亥秋七月卒惟以

君恩未報學道未成為憾民止春罷市聚哭轅門為省

像立祠以祀之先是傳竹君統兵恢勦需餉急奉

有不拘何項錢糧儘其動用之

旨故軍餉不繼那借以應及傳陷身所那銀七萬餘未

清公逝後藩司崔惕菴署篆事弗察有侵隱之疏

荷

上洞悉奉有郝浴前差兩淮巡鹽恤商裕課有裨國用  
後在廣西巡撫潔已愛民誥命免其追奪之

旨嗣又特頒

上諭原任廣西巡撫郝浴前差兩淮巡鹽潔已奉公恤  
商裕課後經簡任巡撫粵西清廉愛民克稱厥職  
其所動錢糧非係入已從寬悉免追取以昭朕優  
恤廉吏至意其受

上知如此公生平孝友備至樂善好施濟爲文有奇氣  
嘗歎聖學無真傳上下數百年惟兩程之學得其  
宗餘子或章句或禪悅皆非也日夜服膺兩程書

讀書堂文集 卷十七 傳

三

尤酷嗜孟子曰非孟子無由識孔子之面非程氏  
無由升孟子之堂居恒身體力行戒欺求慊所著  
周易孟子諸書不卽授梓輿復有所精進也何遽  
中道殞哉公生卒年日及元繼配子女諸孫所配  
所適悉載家乘行狀中此不贅請予文者公次君  
名林字中美辛酉舉人壬戌進士任中書科中書  
學行悉類公子之良友也

論曰在昔燕趙之間多奇偉倜儻之士今其人已  
往其聲猶存也吾自南中來頓轡于境上者久之  
卽其人雖未純于先王之道然以効節不顧身盡

公而不徇私有足多者又或有誦讀詩書稱引先  
王知學矣今之受事識不能洞微慮弗克遠及卽  
奇偉倜儻無取焉以季世滋僞士皆務華標而疏  
於實蹈群然綵土舟而行江河也不亦殆歟雪  
海公生於燕趙間聞道甚早侃侃正性生平慕二  
程卽胸襟似大純公巖巖氣象似次正公嗜孟子  
卽不移不淫不屈類子輿前後所歷皆耳目官多  
所條列奏議夫奏議者啓

宸聰而達幽遐者也言弗中欵智弗機先陳說利害而  
弗情摧抑大奸而或私縱厥論懸懸爲章秩秩威

讀書堂文集 卷十七 傳

三

弗揚紀弗振豪弗抑奸弗戢也漢賈生一代之英  
也談說治理辨而且當乃竟竿瑟于文帝公擢臺  
班按蜀巡淮撫粵

天子嘉其議卿士讓其美三方頌其德西陲流其聲大  
異賈生者以賈挾練達之才公抱閎偉之節賈恒  
移情于功名之會公忘籌于禍福之塗而又忠誠  
體國不二其德夫九信而一違難以語誠始守而  
終渝難語不二故誠百嘉之宗也不二萬事之紀  
也本乎性而成於學者也故公疏炳乎煌煌赫焉  
盛矣吾獨重其錦江之議爲識先而慮遠吳逆裔

異謀尾大不掉內外憚之不於其叛早兆於屯川之日矣公首疏其縱兵劫殺再密疏其跋扈狀逆銜而陰傾之又撫拾以陷幸

先帝察其忠東徙逆卒叛

皇上特宥而錄之此其瞻其識其才其智惟社稷之大計是圖豈尋常好修之士才辨之流敢望其肩背哉其他若言邊儲陳防勦興大利滌大弊沛恩膏捐賑施在蜀蜀祀在淮淮頌在粵粵祠當世稱之後世颺之皆足以列于不朽之途矣吾未暇悉而特著其大節如此云

讀書堂文集

卷十七

傳

西

贊曰巖巖郝公嶽嶽人宗周程克紹孔孟是宗爲子則孝爲臣則忠操踰冰雪氣表蒼穹始授刑曹繼除侍御出巡巴川遠越楚豫令肅驕兵膽寒跋扈武未交綬文先露布烽煙旣靖生聚漸殷民懷其惠將忌其勲撫拾罪戾干責

聽聞詢貽一篋惑扇三軍賴我

先皇鑒厥素悃姑謫

陪都曲全軀命特構茅簷潛心古訓格物致知樂天任運隗囂背叛吳淞披猖

王赫斯怒我武惟揚服公先見黜彼鴟張駕行立薦

烏府重光品無淄磷性若桂薑煌煌奏疏侃侃條對悉中機宜深明

國計且策逆臣必爾內潰得此頗牧足勝熊羆

命督鹽課滌除陋規心清如水額羨不虧爰荷

俞旨再展一期旋陞同卿晉秩副憲賑濟有條黜陟守

典提衡繡衣領袖鐵面紀綱之司臺閣之選時惟

粵撫遭變貴陽滇黔是穴閩廣同訐

上簡才望俾靖封疆遙瞻節鉞來餽壺漿甫泣入騶祗

陳四事瘡痍漸蘇公私交濟福曜何煦陽春丕被

詎意宗臣竟以勞卒離家萬里欽衾一棺囊止清

讀書堂文集

卷十七

傳

五

俸篋無餘錢閭里罷市士民聚旂泣同樂社碑比峴山時以用兵遂致缺額會因稽庫幾疑乾沒噴有煩言莫之能白重荷

聖明得免追奪講學患難抗疏

階墀威懾叛逆言炳蒼蠅生旣正直歿亦靈奇河津而後非公而誰

翰林院編修沈耿巖傳

公諱珩字昭子號耿巖海寧邑東鄉之海汾里先世德清人宋建炎初樞密忠敏公諱與求扈蹕至臨安遷臨平再傳而十四公遷海寧之鹽倉累傳至贈公而莫公諱兆廣刻志讀書研精春秋三傳年二十五早世公甫三歲朱太孺人母儀閨則爲士女宗永霜之節歷五十餘年

旌揚之贈公彌留日瞻睇而自以手約之曰好一枝玉簪蓋言其質之縝密而矜貴也稍長出就外傳性警穎嗜學體素羸承母教勿少怠十歲爲制舉讀書堂文集卷十七 傳

七

業輒見知先達諸名家十五補弟子員十八論交當世同人於當事座中有辨及異同者公翦然曰今日當論邪正不當論異同聞者縮舌會里中揭竿索餉宗人憤之公躡足曰此不可以憤爲也憤則無類矣伴與之約餉千金卒擒其魁識者知其器識不凡云孟津李僖平公視浙學搜奇俊會選拔拔之戊子秋試不第僖公搜三場卷藏之曰使吾後人知天地間有此種文字也洎入都廷試第二庚子登順天賢書甲辰會試以策論取士公曰生平學古此其時矣遂冠南宮

廷對擬一甲第二旋更置二甲一名館選未與念朱太

孺人歸不忍違奉養日講求理學經術諸書十餘年間巖泉嘯詠未嘗以得失介懷乙卯長安與公有通家誼者欲得公朝夕論文爲援授中書候補丁巳分校北闈得法樞等六人皆愜物望戊午

詔舉博學宏詞宰相高陽寶坻益都三公合疏薦之已未

御試授翰林院編修纂修明史傳述論贊有史館三長之目辛酉

召宴瀛臺

讀書堂文集卷十七 傳

七

賜文綺表裏及蓮藕恭進紀恩詩六十韻八月

簡用順天副主考與歸修撰惺巖交相砥礪誓不負

朝廷得王元介等一百六人皆知名士壬戌元旦

賜宴內廷恭進

聖烈頌六月以疾乞歸卽舉先贈公及朱太孺人葬丁卯

恩頒勅命兩世並荷

寵榮焉生平素潔繩檢日閉門息機以窮經研理爲務

於邑東之龍山講太極圖說顏淵問仁二章于齊安講白鹿洞規於武原之學宮講西銘繼講河圖

洛書中庸首章洪範疏義於本邑學宮又著大學經文發疑先後講學惟欲學者于日用事物間求致知力行之要闡明濂洛關閩之傳著述已刊者其耿嚴文鈔初集二集龍山齊安諸會語詩集甲辰策稿時藝小問篇曉集六子初集二集三集慧居兩生草諸種其未刊者則有棲遲草宏詞草授閒草消夏詩譚稼邨偶見稼邨緒論雜說尺牘存稿時藝稿自訂年譜諸種所纂輯者於經則十三經文緯外孝經通解周易精義書禮篇義詩經疏義集要集註精義學庸或問纂大全撮要諸書於讀書堂文集卷十七 傳 七

性理則有性理纂四先生學約纂明儒言行錄鈔諸書於史學經濟則有文獻通考纂明史要畧明禮考詳案筆記諸書他如史遷班固昌黎廬陵三蘇以及漢唐諸家暨有明景濂希直升菴鹿門遵岩震川歇菴楓山姚江崆峒弇州諸家古文古樂府唐詩賦臨川宛陵東坡諸家詩明九家詩先輩諸大家時藝下至養生岐黃家言皆有纂輯又有見聞隨錄玉林說苑屑金隨鈔雜組選薈撫餘詩人遺事諸種雖片錦寸璣咸手鈔存笥蓋一生之神力畢萃於簡編學行中無一刻之暇逸也公年

七十有七不可謂不壽迺一旦仙逝遠近悲之生卒年月及所生所配所娶所適詳與狀與銘中此不多贅

論曰吾上下千古未見文章能事獨萃於一門於父子之間若斯之隆也耿嚴先生爲吾甲辰榜名元是科會試專用策論表判公策則洋洋乎見董而參之以子瞻水心之疏暢論則本漢宋之箋疏運韓歐之體製表則靡濫已極黜徐庾之艷而爲歐蘇之雅用是冠冕南宮爲後學矜式自時厥後研精理學纂修著述雄文大篇爲一代大手筆充讀書堂文集卷十七 傳 九

棟汗牛海內宗之而令嗣岱瞻英年能承家學復後先輝耀焉孟子曰天將降大任於是人也必先苦其心志勞其筋骨餓其體膚空乏其身行拂亂其所爲所以動心忍性增益於其所不能公襁褓失怙岱瞻亦襁褓失恃太孺人以母兼父公又以父兼母煢煢相依可謂苦矣讀書無間寒暑無間晝夜可謂勞矣家素貧窘可謂餓且乏矣天欲予之文元而先以選拔嘗之欲置之翰苑而又以絲綸試之所行不可謂不拂矣卽以畀之以大任或調元贊化或公孤卿貳或建業勳勳或萬鐘千駟

此天之所以降之任之意也而官不出木天祿不踰升斗則又獨何歟迨觀公文乃知天於彼晉之於文豐之於彼靳之於文縱之於其子之文又縱之自天開地闢以來世代亦云遙矣人物之生不可窮究而紀極矣中間王侯將相名公卿不啻幾千百矣而號稱能文者屈指寥寥不盈百焉造物者何以予人以他美反若不甚愛惜此則難之又難何也蓋文章一道天地之所獨鍾山川之所毓秀洩鬼神之秘而發古今之藏顛倒一世之智勇開拓萬古之心胸雖南面百城不與易焉公一讀書堂文集卷十七 傳 二十

門萃之然則公之所得於天者良厚已公之子之得於天者並厚而大任尚未可量也嗚呼盛哉

### 葛星巖公傳

按狀公諱震字尊之祖籍爲丹陽句容人元末徙鳳陽府定遠縣始祖載陽公青從明高帝起淮泗以軍功官彭城衛指揮使至三世祖伯寅公敬於宣德六年遼東備邊始調寧遠衛遂爲衛人焉七傳至公翁凝還公永清樂善好施拯危濟困實有隱德爰生公公生而穎異風度端凝言笑不苟識者知爲遠大之器年七歲遭妣周太君喪哀毀骨立水漿不入口者數日幾不能興翁泣謂曰吾在爾何至此公惕然爲進一粥服喪三年事翁以愉色婉容退而獨處則泣涕沾膺蓋恐翁知之傷乃心也事繼母陳太君以孝聞

### 本朝

定鼎隨翁遷陝西鞏昌之徽州攻舉子業進西安遼學博士弟子員歷試高等有聲於庠康熙二年癸卯南遷翁卒於四川保寧府鹽亭縣之旅次公躬負骸櫬跣足跋涉行千里日夕哀號聞者感慟五年丙午中雲南鄉試文章議論爲一榜之冠癸丑天方兆亂公於擾攘之中持身應物一規於正至今黔楚多稱之數年間風流雲散不足言矣癸亥入都

上召見養心殿

顧問南事公應對稱

旨

上悅命供奉武英殿丁卯再

召見養心殿奉

面敕詠

御書竹賦屏風詩一律尋

命清查

內庫

御審磁器庚午設立

讀書堂

文集

卷十七

傳

三

御書處奉

特旨監造

御筆御臨法書與北地米公漢雲長洲宋公駿業同直

內局多所論定稱

上意焉辛未四月

聖駕北巡

命扈從直懋勤行殿

恩遇有加作北巡賦並詩以

獻是役也車騎行李

上命侍衛趙公昌供給公自以淪落之餘荷

主上特達之知勤敏在公歷十餘載夙夜不遑遂成勞

瘁猶時勉強醫藥冀得保餘年以荅

主眷然日就委頓病勢形焉時壬申十月

上聞亟

命侍衛趙公昌郎中強君國忠率同大喇嘛僧診視復

面敕院醫黃林等接踵調治一切藥餌俱蒙

上賜至三十一年癸酉七月二十二甲子終年五十有

七

上聞悼惜者久之公初屬疾藥餘猶論說詩書每至夜

分乃寐故人牟叔庸亡公爲文祭之哭之慟逮疾

讀書堂

文集

卷十七

傳

三

漸自朝抵暮正襟危坐神氣肅清二十一日忽曰

吾體倦稍安焉甫及席奄然逝矣痛哉以公之德

行宜享遐齡而壽不至於期頤以公之學術宜可

以展康濟而事竟出于坎壈天平命哉公至孝性

生自以幼失怙恃每春秋祭享流涕沾襟孺慕之

誠終身如一日及易簀之前猶呼長公而命之曰

吾蕩析離居人也吾祖而上與吾母葬遼西寧遠

衛吾父與陳太君葬雲南澂江舞鳳山之麓南北

相去數萬里而遙吾死後魂將何依言畢泣數行

下又曰吾生無一瓦之覆死無一壠之植家計艱

微貽累於汝王孫僕葬絕俗違情吾不爲也但斂以薄棺覆以舊衾足矣爾其志之公少而好學至老不倦研窮經史百家悉能究其指歸源流以故發爲文章上下千古自成一家言詩溯騷雅漢魏下迄三唐縱橫排纂諸體皆善真書師鍾太傅分書法蔡中郎草書如鐵幹銅柯風韻溢于筆墨之外然皆矜慎不傳自娛而已性方嚴端重燕居無惰容無褻語雖至戚子弟見之未嘗不整冠振衣人有過必面折之進無諛詞退無後言故親族皆嚴憚焉所與游者皆海內名流詩文倡和無虛日

讀書堂文集

卷十七

傳

五

著有種松堂文集四卷詩集八卷史贊十六卷北巡紀行錄一卷律陶詩一卷選定古唐詩玉林六十卷其餘宋元明詩選等集尚未脫稿葬于順天府昌平州之松園從治命也

趙子曰吾未識公而覽公之狀讀公之文與詩而始識秦漢人魏晉人真面目決非乞靈秦漢魏晉人口脛者詎非統苑之前茅名世之間出哉先生奮志千秋之業文不屑舉西京以下語詩不屑舉大曆以下語一時修詞之士靡不心折願爲之下而間有謂文須舍筏安所事尺寸古人也者先生

獨不謂然引繩操墨幾於神化夫淺夫掇彩徒撫其英華而哲匠研真必窮於膚澤如射者張侯挾矢期於破的至於頓挫倒插之法又皆古未傳之秘加以句洗字琢一意修古故其詩與文皆具秋氣吾以高潔二字括之少陵萬壑對聲滿千崖秋氣高樊川樓倚霜對外鏡天無一毫南山與秋色氣勢兩相高庶幾足以擬似之至于生平仁孝性成立德強固端亮嚴正蘊藉弘深使充其用不可限量乃遭逢不偶陷身荆棘方遘

讀書堂文集

卷十七

傳

五

聖眷遽爾溘逝景典型而徵文獻使我僅醉心於綃帙

間也可慨也夫公之長嗣沃野公能讀父書文品並貴曾守吾澂亦致飄泊今荷

主知仍父供奉後先輝耀可不謂榮哉可不謂難哉沃野公不以予謫陋而問傳與序於予是可哂也